

IMAQARNILIAQ MAA - Meeqqanut Atuarfeqarnermullu Ataatsimiititaq 06-05-2020

Ulloq ataatsimiiffissaq Onsdag 06. maj 2020 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalimut ilisimatitsissut - Peqqinneq Susassaqartitsinerlu pillugit immikkoortortaq.....	7
10. Kl. atuarunnaarnissaanut.....	10
Aalajangiiffigisassat.....	13
Ataatsimiititat angalanissaat pillugit eqqartuineq.....	14
Suliat Aningaasaqarnermut Inuussutissarsiornermullu Ataatsimiititamut.....	17
Atualernissamik kinguartitsinissamut atuangikkallartitaanissamilu qinnuteqaatinut akuersinissamu	18
Taasariaqartut allat.....	21
Lukket.....	22
Lukket.....	23
Lukket.....	24
Imaqarniliap akuerineqarnera.....	25

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Hans Jukku Noahsen (IA)

Uju Petersen (IA)

Thiiooq Knudsen (S)

Beslutning

Najuuttut: Michael Rosing (Sam), Uju Petersen (IA) aamma Hans Jukku Noahsen (IA)

Oqarasuaatikkut: Henrik Rachlev (IA) aamma Thiiooq Knudsen (S)

Punkt 1: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. Soqanngilaq

2b.

1. 2019-imi Ingerlatsiviup aaqqissuusaanera allanngortiterneqangaatsiarpoq, tassani Atuarfeqarfiit meeqqeriveqarfiillu immikkoortinneqarlutik. Fagchefit nutaat marluk sulilersinnerat ingerlalluarpoq. Taamani suliasanik agguaassinermik aalajangiussat Ingerlatsivimmit qimerloorneqarput, immikkoortortallu akornanni suliasanik tigummiaraqartarneq pillugu allanngortiterilaarnissaq aalajangiunneqarpoq, taamaasilluni sulianik naammassinninnissap suliaticigullu nukittorsaanerup akornanni ataqatigiinneruniassammata.
2. Meeqqanut Atuarfeqarnermullu Ingerlatsivik atuarfeqarfiit meeqqeriveqarfiillu tamarmik tullerijaaarlugit missingersuutitik aningaasaqarnermullu tunngasunik misissueqatigalugit ataatsimeeqatigileruttorpai. Tamanna aqutsisut aningaasaqarnerat pillugu tamakkiisumik malinnaanerunissaanik tassuunalu missingersuutitik malinninnissaq alapernaannerulissammassuk.

Punkt 3: Ilisimatitsissutit

Punkt 03A: Kvartalimut ilisimatitsissut - Peqqinneq Susasaqartitsinerlu pillugit immikkoortortaq

Beslutning

Ilisimatitsissut tusaatitut tiguneqarpoq.

Bilag

Siulleq 2020-mi kvartali siulleq pillugu ilisimatitsissutit katiterneqarnerat

Kvartalimut ilisimatitsissut - Peqqinneq Susassaqartitsinerlu pillugit immikkoortortaq

1. kvartali 2020

Ilisimatitsissut

J.nr.: 55.00

Suliffeqarfimmut Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Peqqinneq Susassaqartitsinerlu pillugit immikkoortortap 2020-mi kvartalit siullianni anguniakkatut angusimasat katitersimalerpai. Kvartalikkuutaartumik ilisimatitsissutit Meeqqanut Atuarfeqarnermullu Ataatsimiititamut ilisimatitsissutit ingerlateqqinneqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Peqqinneq Susassaqartitsinerlu pillugit Immikkoortortaqaarfimmut 2020-mi kvartalit siullianni kvartalikkuutaartumik nalilersuineq. Peqqinneq Susassaqartitsinerlu pillugit immikkoortortaq Paamiuni, Tasiilami Ittoqqortoormiinilu immikkoortortaqaarpoq, kiisalu Sermersooq Nipilersornermik Ilinniarfimmik aamma Naluttarfik Malimmik immikkoortortaarluni.

2020-mi kvartali siullegg – Januaari, februaari aamma marsi

- 2020-mi januaari ulluisa arfernanni Sermersuumi illoqarfinni tamani timersorneq pillugu ulloqartitsisoqarpoq.
- Qaammatikkaartumik unnukkut sammisassaqaartitsineq – “Qiimmassaqaatigiiffiit” Tasiilami tamanut sammisassaqaartitsiffiusoq ingerlanneqarpoq.
- Nipilersornermik ilinniarfiup meeqqerivimmiumut suliniutaani nipilersornermik ilinniarfimmi ilinniartitsisut Paarsisumi meeqqanik ilinniartitsissapput.
- Nipilersornermik ilinniarfiup Facebook LIVE atorlugu innuttaasunik aliikkusersuineq ingerlappaa.
- Pisutta allagartarsuit Nuummi bussit unittarfiini assigiinngitsunut iliorarneqarput, innuttaasut pisunnerulernissaannut kaammattorneqassasut siunertarineqarpoq.
- Nittartagaq sammisassat.gl peqatigiiffinnut innuttaasunullu ammarneqarpoq.
- “Paamiunut tikilluarit – Velkommen til Paamiut” katersortarfimmi Taqqissuummi ingerlanneqarpoq.
- Paamiuni meeqqanut ualikkut isikkamik arsartitsineq ingerlanneqarpoq.
- Naluttarfimmi meeqqanut inuusuttunullu assigiinngitsunik sammisassaqaartitsisoqarpoq.
- Tasiilami tarnikkut peqqissuuneq pillugu "Nalunngiliuk ilunni nuannaarneq eqqissinerlu pigereerlugit?" qulequtaralugu oqalugiartoqarpoq.

Kvartalit siulliani sammisassaqaartitsissutit aaqqissuussallu sinneri ilanngussami siullermi ”Peqqinneq Susassaqartitsinerlu pillugit 2020-mi kvartalit siullianni ilisimatitsissutit katiterneqarnerat” atuakkit.

Aaqqiissutissatut siunnersuut – suliatigut naliliineq

Peqqinneq Susasaqartitsinerlu pillugit immikkoortortap kvartalini marlunni angusimasat naammagisimaarpai, taamaattoq anguniakkat innuttaasut pisariaqartitaannut naapertuuttunngorlugit inerisaaneq aallutiinnarniarlugu, Suleqatigiinnissamik isumaqatigiisummi anguniakkat innersuussutigalugit.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
- Inuuneritta II
- Susasaqartitsineq aamma kulturikkut anguniakkat pillugit MA-mut suleqatigiinnissamut isumaqatigiisummi anguniakkat.

Ingerlariaqqinnissaq

Kvartalikkuaartumik nalilersuinerit ilisimatitsissutitut Peqqinneq Susasaqartitsinerlu pillugit immikkoortortap Meeqqanut Atuarfeqarnermullu Ataatsimiititamut ataavartumik nassiuttarpai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaqtitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Siulleq 2020-mi kvartali siulleq pillugu ilisimatitsissutit katiterneqarnerat

Punkt 03B: 10. Kl. atuarunnaarnissaanut

Beslutning

Ilisimatitsissut tusaatitut tiguneqarpoq.

10. Kl. atuarunnaarnissaanut

Ilisimatitsissut

J.nr.: 51.10.06.06

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

10. klassit soraarummeerlutik misilitsinnissaasa taamaatinneqarnerat peqqutaalluni naammassinissamut nutaamik ulluliineq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Covid-19 peqqutigalugu meeqqat atuarfianni inaarutaasumik misilitsittarnernut taartitit angusat tunngavigalugit karakteriiliisarneq pillugu Namminersorlutik Oqartussat nalunaarutaat nr. 12, 17. april 2020-meersup nalunaarutigineqarnerata kingorna ukiumi atuarfiusumi angusat tunngavigalugit karakteriiliisoqassaaq periarfissaq siulleq atorlugu tunniunneqassapput.

Meeqqat atuarfianni ukiumi atuarfiusumi 2019-2020-imi naggataarnermi angusat tunngavigalugit karakteriiliinerit inaarutaasumik nalilersuinermi atuartut soraarummeerutaasumik misilitsinnermi angusaanut taarsiullugit soraarummeernermut allagartamut allanneqassapput.

Læseferiartoqartussaanginnera peqqutaalluni akunnerit atuarfiusussat sinneruttut akuttunerulaartumik ingerlanneqassapput. Atuartut juunip 19-iata tungaanut atuassapput tassani soraarummeersimanermut uppersaatit tigussavaat.

Paamiuni Tasiilamilu atuartut juunip 16-iani allagartartaassapput. Nuummilu atuartut juunip 19-iani allagartartaassapput.

Aaqqiissutissatut siunnersuut – suliatigut naliliineq

Atuarfinni aqutsisut suleqatigalugit Kommuneqarfik Sermersuumi 10. klassit juunip 19-iat 2020-p tungaanut atuarnissaat aalajangiunneqarnikuvoq. Angusat tunngavigalugit karakteriiliinissaq oqaaseqaatiliornissarlu siusinnerpaamik 2020-mi juunip 8-ni kingusinnerpaamillu juunip 12-iani pissaaq.

Aningaasatigut sulisoqarnikkullu naliliinerit

Ilinniartitsisut atuartunik oqaluttariarsornikkut misilitsitsisussaagaluut akissarsissanngillat. Naatsorsuutigineqarpoq, atuartitsinnermut akunnernik aningaasartuutit soraarummeertitsilluni misilitsitsinissaagaluarnermut sipaarutaasunik aningaasartuutaanerussanngitsut.

Inatsisitigut tunngavissaq allakkallu tunngaviusumik uppersaatitalit

Covid-19 peqqutigalugu meeqqat atuarfianni inaarutaasumik misilitsittarnernut taartitit angusat tunngavigalugit karakteriiliisarneq pillugu Namminersorlutik Oqartussat nalunaarutaat nr. 12, 17. april 2020-meersaq.

Ingerlariaqqinnissaq
Soqanngilaq

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq
Atuarnermi naggataarnersiornissaq pillugu aalajangiinerit allannguutillu atuartunut, angajoqqaanut innuttaasunullu nalunaarutigineqassapput.

Ilanngussat
Soqanngilaq

Punkt 4: Aalajangiiffigisassat

Punkt 04A: Ataatsimiititat angalanissaat pillugit eqqartuineq

Beslutning

Inassuteqaat akuersissutigineqarpoq.

Ataatsimiititap angalanissaanut kissaatit pillugit Siulittaasumut saaffiginnittoqassaaq

Bilag

Ataatsimiititap angalanissaannut pilersaarut

Ataatsimiititat angalanissaat pillugit eqqartuineq

Aalajangiiffigisassaq

J.nr.: 01.02

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarlutik angalasinnaapput aamma kommunip killeqarfiata avataani ataasiarlutik angalanissamut periarfissaqarput, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mi ataatsimiititat arlaannaalluunniit angalanikuunngillat.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititap 2020-imi angalanissai marlunniit ataatsimut ikilisinneqassanersut aalajangerneqassasoq

Suliassamik saqqummiussineq

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarluni angalasinnaavoq aamma kommunip killeqarfiata avataani ataasiarluni angalanissamut periarfissaqarpoq, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mut missingersuusiornermut atatillugu Kommunalbestyrelsip aalajangerpaa ataatsimiititat ataatsimoorlutik angalassasut. Ataatsimiititat marluk ataatsimuussapput, ataatsimoorlutillu angalaqatigiillutik.

Aaqqiissutissatut siunnersuut – suliatigut naliliineq

Maannakkut COVID-19-ip ajornartoortitsinera aallaavigalugu 2020-milu upernaakkut suliat ikilinerat pissutigalugu, ataatsimiititat suli angalanikuunngillat.

Tamanna eqqarsaatigalugu, inassuteqaatigineqarpoq 2020-mi angalanerit marlunniit ataasiinnangortissanersooq ataatsimiititap aalajangissagaa.

Aningaasatigut sulisoqarnikkullu naliliinerit

Aningaasaqarnermut Inuussutissarsiornermullu Ataatsimiititap angalanissaanut 175.000-it immikkoortinneqarnikuupput aammalu ataatsimiititat ataavartut tamarmik immikkut ataatsimiititatut angalanissaannut 125.000-it immikkoortinneqarnikuullutik.

Aningaasaqarnermut Inuussutissarsiornermullu Ataatsimiititap Ittoqqortoormiiliarnissaralua taamaatinneqarmat, ataatsimiititaq angalanissamut 60.000 kr.-ninik utertinneqarsinnaanngitsunik atuereersimavoq.

Suliffeqarnermut Isumaginninnermullu Ataatsimiititap aammalu Meeqqanut Atuarfeqarnermullu Ataatsimiititap Alaskaliarnissaa aamma taamaatinneqarpoq. Angalatitseqatigiiffiup nalunaarutigaa, aningaasartuutaasimasut amerlanersaat utertinneqarsinnaasut. Maannakkorpiat ataatsimiititat angalanissaminnut 150.000 kr.-it utertinneqarsinnaanngitsut atoreersimavaat.

Angalatitseqatigiiffiup suli 100.000 kr.-it utertinneqarnissaat, taakkualuunniit ilaannaasa utertinneqarnissaat pillugu uppersaatait utaqqivai. Imaappoq, ataatsimiitit 150.000 aamma 250.000 kr.-it ataatsimiitit angalanissaannut atoreersimavaat.

Inatsitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaq

Ataatsimiititap aalajangenera piviusunngortinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Ataatsimiitit angalanissaannut pilersaarut

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

**Punkt 05A: Atualernissamik kinguartitsinissamut
atuangikkallartitaanissamilu qinnuteqaatinut akuersinissamut
piginnaangortitaaneq**

Beslutning

Inassuteqaat akuerineqarpoq.

Atualernissamik kinguartitsinissamut atuangikkallartitaanissamilu qinnuteqaatinut akuersinissamut piginnaangortitaaneq

Aalajangiiffigisassaq

J.nr:51.01.00.01

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Angajoqqaanit qaammatsiutit malillugit ukiumi meeqqap 6-inik ukioqalerfiani atualersitsinissamik kinguartitsinissamut qinnuteqaatit imaluunniit atuartoq ukiut 9-t atuareersimappat atuarunnaarnissaanik angajoqqaat qinnuteqaataat, Atuarfik pillugu Inatsisartut inatsississaattut siunnersuut nr. 15, 3. December 2012-imeersoq malillugu Kommunalbestyrelsimit akuerineqassapput.

Meeqqanut Atuarfeqarnermullu Ingerlatsiviup atualernissamut kinguartitsinissat atuarunnaarnissamullu qinnuteqaatit pillugit aalajaangiisinaanermik piginnaatitaalernissaq qinnuteqaatigaa, taamaasilluni ingerlatsivik allaffissornikkut aalajangiisinaanalerniassammat.

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- Atualernissamut kinguartitsinissamik qinnuteqaatit pillugit aalajangiisinnaatitaaneq Meeqqanut Atuarfeqarnermullu Ingerlatsivimmut tunniunneqassasoq.
- Atuartup ukiut 9-t atuareernermit kingorna atuarunnaarnissamik qinnuteqaataanik aalajangiisinnaatitaaneq Meeqqanut Atuarfeqarnermullu Ingerlatsivimmut tunniunneqassasoq.
- Suliaq Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut inaarutaasumik akuersissutigisassatut ingerlatinneqassasoq.

Suliassamik saqqummiussineq

Atuarfik pillugu Inatsisartut inatsisaat nr. 15, 3. December 2012-imi § 31 naapertorlugu, atuartitaasussaataaneq aallartissaaq atuarnep aallartinnerani qaammatsiutit malillugit ukiumi meeqqap 6-inik ukioqalerfiani, taamaatissallunilu atuartup ukiuni qulini ataavartumik atuartinneqareerneratigut.

Angajoqqaat qinnuteqareernerisigut akuersereernerisigulluunniit kommunalbestyrelsip akuerisinnaavaa meeqqap atualernissaata atuartitaasussaataanerup allartinneraniit ukiumik ataatsimik kinguartinneqarnissaa, tamanna meeqqap inerikkiartorneranik patsiseqarpat. Soorlu Kommunalbestyrelsip angajoqqaat qinnuteqareernerisigut atuartoq ukiut 9-t atuareersimappat atuarunnaarnissaanik akuerisinnaavaa, tamanna immikkut patsisissaqartinneqarpat. Atuartoq ukiut 9-t atuareernermit kingorna atuarunnaarnissaminik akuerineqassappat inuussutissarsiummik ilinniarnemillu ingerlatsinissaa aallarnisaqqaartariaqarpoq.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsiviup maluginiarpaa, angajoqqaat kinguartitsinissamik imaluunniit atuarunnaarsitsinissamik qinnuteqartut piffissami siviisunerusumi akuerineqarnerminnik akissutisartut. Tamaattumik ingerlatsiviup atualernissamik kinguartitsinerit atuarunnaarsitsinerillu pillugit aalajangiisinnaatitaalernissaq angajoqqaanut iluaqutissatut isigaat.

Aningaasatigut sulisoqarnikkullu naliliinerit

Aningaasatigut sulisoqarnikkullu naliliisoqarnikuunngilaq suliaq aningaasaqarnermut attuumassuteqangimmat.

Inatsisitigut tunngavissaq allakkallu tunngaviusumik uppersaatitalit

- Inatsisartut inatsisaat nr 15 3. december 2012-meersoq.

Ingerlariaqqinnissaq

Suliaq akuerineqassappat qinnuteqaatit atuarfeqarnermut immikkoortortaqaarfimmit nalilersorneqartassapput Meeqqanut Atuarfeqarnermullu pisortamiillu akuerineqartassallutik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

Soqanngilaq

Punkt 6: Taasariaqartut allat

Punkt 7: Lukket

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 15.05